



**Şîpela axabaniyan,  
bû serçopîkêşa ne-  
wroza neteweyî!**

»»» R:7



*Bidestveanîna mafên netewî yên gelê kurd  
di çarçoveya Îraneke demokratîk û federal de*

# Agirî

*Duheftînameyek Siyasî-Gîştî Ye, PDK Îranê diweşîne* [www.kurdistanmedia.com/kurdî](http://www.kurdistanmedia.com/kurdî)  
[www.agirimedia.org](http://www.agirimedia.org) Hejmar (299) 04-04-2017 Buha (1000) Tûmen

## PDKÎ di rêbaza Pêşewa de pêngavan davêje



Di 70'mîn salvegera şehîdkirina Pêşewa Qazî Mihemed û hevalên wî de, xelkê Kurdistanê peymanî wefadariyê digel rêbaz û armancên şehîdên rêya rizgariya Kurdistanê nû kirin.

Her bi vê hincetê roja Pêncşemî demjimêr 9'ê serê sibê, 10'ê Xakelêweya 1396'an a Rojî, rêûresmek taybet bi boneya 10'ê Xakelêwe, Roja Şehîdên Kurdistanê li binkeya Deftera Siyasî a Hizba Demokrata Kurdistanê Îranê, bi pişikdariya birêz "Mistefa Hicrî" sekreterê giştî yê PDKÎ û endamên rêberiyê û kadr û pêşmerge û mêhvan û malbatên şehîdan hate lidarxistin. Di beşa Yekemîn a rêûresmê de, rêjeya leşkerî ya pêkhatî ji 4 desteyên, Hêza Pêşmerge ya Kurdistanê, Lawan, Jinan û Dewreya Destpêkî, ber bi mezarê şehîdan dest pê kir û piştê liser mezarê şehîdan du sirûd li jêr navên "Ey Şehîdan" û "Merêjin bom firmêskî xem" ji aliyê hêza pêşmerge ve hatin pêşkêşkirin.

Piştê birêz Mistefa Hicrî sekreterê giştî yê PDKÎ digel "Hêro Celdiyani" hevjinê şehîd "Çeko Rehîmî", destgula rêz û wefadariyê li ser mezarê şehîdan danîn. Piştê pêşangeha wêneyan ji aliyê birêz "Mistefa Hicrî" û "Nermîn Xizrî" hevjinê şehîd "Kemal Xizrî", şehîdê Rasanê ve hate vekirin. Di beşa din a rêûresmê de, li salona taybet bi rêûresmên PDKÎ de, rêûresma 10'ê Xakelêwe bi sirûda netewî ya "Ey Reqîb" û ragirtina bêstekê bédengî bona rêzgirtin ji canê şehîdan dest bi karê xwe kir. Piştê bi hinceta Roja Şehîdên Kurdistanê ve, birêz "Hesen Şerefî" cîgirê sekreterê giştî yê PDKÎ çend gotinek pêşkêş kirin.

Birêz Hesen Şerefî di gotinên xwe de îşare bi vê rastiye kir ku; "Serbarê vê ku Qazî Mihemed kesatiyekî olî bû, lê hevdem kesatiyekî netewî û demokrat bû ku di çaxê xwe de komarek bi awayê herî modêrn û pêşveftî ava kir, û bi vî awayî navê Komeleya J-K, û Hizba Demokrat û Komara Kurdistanê û Pêşewa tevli hevdu bûn". Birêz Şerefî herweha bas ji vê kir ku; "Komar û Pêşewa bi hev re çend sîmbolên weke sirûda netewî ya "Ey Reqîb", navê "Pêşmerge" û "alaya Kurdistanê" bi cih hêlan ku îro rojê, ne tenê li Kurdistanê Rojhilat, belkî li her çar parên Kurdistanê sîmbola netewî a gelê Kurd in, û pîroziya xwe parastine".

Cîgirê Sekreterê Giştî yê PDKÎ herweha ragehand ku; "PDKÎ weke yadgara Pêşewa Qazî Mihemed û avakerê Komara Kurdistanê bi serbilindî ve di rêbaza Pêşewa de pêngavan davêje, û bi he-bûna zerfîyeta xwe guncandinê, digel serdem û guherînkariyan, û herweha bona bidestxistina armancên Komara Kurdistanê berdewam e, li ser tekoşîna xwe, û bêguman têçûya vê xebatê jî, her çi qas giran be, bi fidakariya xebatkarên xwe û tenanet cangorîtîyê, wê bide. Piştê sirûdek li jêr navê "Şehîd" ji aliyê "Korra Mûzîk" a Hizba Demokrat ve hate pêşkêşkirin. Paşan pexşanek ji aliyê helbestvanê pêşmerge "Mamosta Bêbeş" ve bi navê "Pepûle" hate pêşkêşkirin. Di dawiyê de, rêûresmê bi sirûdekê, ku ji aliyê hunermendê pêşmerge "Xulam Fethî" ve hate xwendin, dawî bi karên xwe anî.



**PDKÎ li ber vê ser-  
bilind e, ku rêbaza  
Pêşewa didomîne**

**Y**a ku ji Komarê û Pêşewa bi cih  
ma, PDKÎ û armancên Komara  
Kurdistanê û sîmbolên wan, wekî  
sirûda neteweyî ya "Ey Reqîb, navê  
Pêşmerge û alaya Kurdistranê" bûn

»»» R:3

## Şehîd meşxelên Rasana gel in



»»» R:2

## Kurd û destûra nû ya Türkiyê



»»» R:5



*Sergotar***Şehîd meşxelên  
Rasana gel in**

Kerîm Perwîzî



“Gelek azadiyê bixwaze, gerek buhaya wê azadiyê jî bide”. Eva waneyeke buhagiran a Dr. Qasimloyê nemir e, ku bi xwe di pêxema azadiya gelê xwe de, buhaya herî mezin ya wê pêşkêş kir.

Ji çaxê ku gelê Kurd dixwaze îradeya azadiya netewî ya xwe biselimîne, û pêşerojê geş û azad ji xwe re ava bike, di pêxemê de qurbanî daye, û buhaya vê yekê jî, pêşkêş kiriye.

Şehîdbûn di vê pêxemê de, buhaya herî mezin e ku, takek bi haydarî û bawerî ve, sermayeya herî binirx û bibuha, wate canê xwe dixê ser destê xwe, û xwebexşane aliyê “Terazû” ya buhayan, bona gehîştina bi azadiyan, girantir, û rêya sebilindiyê, rengintir dike.

Şehîdbûna di vê rêbazê de, nahê wateya kerb û kîn û bêzariya li hember jiyanê, û belavkirina kerb û hirsê di nava cîhanê de, belkî şehîdbûn wateya pêşkêşkirin û bexşîn û dayîna buhayê dide, da ku nifşêke din bi rihetî û asûdeyî jiyanê xwe berdewam bike, û mirineke bi serbilindî hildibijêre li hember jiyanêke bi serşorî de.

Wî çaxî ku serkomarê Yekemîn Komara di dîroka Kurd û Kurdistanê de, dikeve nava çendrêyekî de, bi şanazî ve diçe bin darê îdamê, jiber ku dizane ku saxmana wî, bêrêzî ye bi dîrok û kerameta neteweyekî, û şehîdbûn jî bi wateya herikîna xwînê ye di demarên xebata dîrokî ya gelê Kurd de, bona gehîştina bi azadî û rizgariyê. Pêşwayê gelê Kurd

**PSK`ê derheq roja Şehîdên Kurdistanê daxuyaniyek weşand**

**PSK bi boneya 10`ê Xakelêweyê salvegera bidarvekirina Pêşewa û hevalên wî daxuyaniyek ji bo raya giştî belav kir, ku di beşek ji vê daxuyaniyê de hatiye:**

10`ê Xakelêwe, roja bidarvekirina Pêşawayê nemir û hevalên wî ye. 10`ê Xakelêwe li Kurdistanê Rojhilatê wekî “Roja Şehîdan” hatiye pejirandin.

Her wisa hinek partî û rexistinên Kurdistanê, ku partiya me jî yek ji wan e, ew roj wekî Roja Şehîdan pejiradine.

Di vê rojê da bi çalakîyên cur bi cur, şehîdên Kurdistanê tene bibîranîn, welatparêz û tekoşerên Kurdistanê peymanê nû dikin, ku nehêlin alayê şehîdan bikeve erdê, û rêbaz û xebata wan berdewam be.

Partiya me, Partiya Sosyalîst a Kurdistan-PSK, bi vê bonê va, li ber huzura hemû şehîdên Kurdistanê, carekî dinê kirnoş dibe û peyman nû dike, ku heya bidestxistina armanca şehîdan, ku rizgariya gel û welat e, xebatê bike.

PSK carekî dinê banga partî û rexistinên welatparêz yê seranserê Kurdistanê, bi taybetî banga Parlamentoya Kurdistanê dike, ku 10`ê Xakelêweyê wekî Roja Şehîdan bipejirinin, daku di vê rojê da hemû Kurd pêkve şehîdên xwe bi bîr bin.

Hêjayî basê ye ku PSK piraniya salan, di vê rojê de beşdar dibin, û digel PDKÎ vê rojê û şehîdên Kurdistanê bi bîr bin.

şehîdbûnê hildibijêre, ne jiyanê bi serşorî, ne mirina piştî bi salan ku di hîzr û ramana kesê de nemîne û bi guman ve cîhanê bicih bihêle. Şehîdbûna bi vê dîtingehê doma jiyanê ye, biwatekir, û bi dengvedaneke zêdetir wê hebe, di niha û pêşerojê de.

Dîtingeh û ramaneke weha heye ku, jiyanê niha pirr ji derew û gendelî û karên xirab e, û dibêjin ku, jiyan û cîhan gerek jinav here û bişewite, û di jiyan û cîhana din anku pêşerojê de, tiştên bêtir li benda me bin. Ji vê dîtingehê ve şehîdbûn pêk tê ji şewitandina jiyanê û hîlbijartina mirinê.

Dîtingeha weha jî heye ku vê jiyanê bi hemû kêmasiyan ve, bêtir dibîne ji neman û mirinê, û piştî hemû hewl û tekoşinekê dibêje ku, man bêtir e ji mirinê. Di vê dîtingehê de dawîya xebatê digîje teslîmbûnê.

Lê di mekteba Qazî û Qasimlo û Şerefkendî de, şehîdbûn pêk tê ji hîlbijartina rêyekî û pêşkêşkirina buhaya herî mezin bona xemilandina jiyan û xebatê, ku bi kiriyarekî bilind a mirovî, ji ew qasê haydarî û hişdarî û bawerî ve çavkanî digire, şehîdbûn dibe meşxela rê. Rêyek pirr ji serwerî bona gehîştina bi hêvî û xewnên me, ku bi derfetperestî û ji xwerazîbûn û teslîmbûnê nagîje encamê, belkî dibe di pêxemê de buha bîn dayîn û berdewam rê bîn ronahî kirin, da ku rêbaza rastîn a jiyan û xebatê nehê têkdan û şêlûtî bi ser de zal nebe û wê danepoşe.

Lewra Dr.Qasimloyê nemir dibêje ku, “Xelata herî baş bo şehîdan domandina rêya wan e”. Hem niha, û hem jî di pêşerojê de, şehîd meşxelên rêbaza rastîn û pirr ji serweriya selimandina hebûn û îradeya netewî û rizgarîxwaziyê ye, ku ev rêbaza han bi “Rasan” a gel berdewam dibe, û canê şehîdan ronahiyê dibexşe vê rêyê.



## PDKÎ li ber vê serbilind e, ku rêbaza Pêşewa didomîne

**Ya ku ji Komarê û Pêşewa bi cih ma, PDKÎ û armancên Komara Kurdistanê û sembolên wan, wekî sirûda neteweyî ya “Ey Reqîb, navê Pêşmerge û alaya Kurdistranê” bûn**

**Kurdistanmedia: Deftera Siyasî ya PDKÎ bi boneya 10`ê Xakelêweya roja şehîdên Kurdistanê daxuyaniyek belav kir.**

**Deqa daxuyaniyê weha ye:**

**Daxuyaniya Deftera Siyasî ya PDKÎ bi boneya 70`emîn salvegera şehîdkirina Pêşewa Qazî Mihemed**

Roja 10`ê Xakelêweya îsal (1396)`an, 70 sal bi ser şehîdkirina Pêşewa Qazî Mihemed serokê Komara Kurdistanê re derbaz dibe, Pêşewayek ku bingehdanerê PDKÎ û avakerê yekem kiyana Kurdî li awayê Komarî di beşek ji Kurdistana Rojhilata de bû, du diyarde ku di pvajoya xebata Kurd bo gihîştina bi hêviyên xwe de, girîng û xala werçerxana dîrokî a Kurd bûn ber bi serhildan û serdemîbûnê ve.

Qazî Mihemed kurê Qazî Elî di sala 1279`an de (1900 a Zayînî) li bajarê Mehabadê de, di nava malbateke Kurdperwer û xwedîçand de ji dayîk bû, û di temenê 7 saliyê de, xwendin û fêrbûnê dest pê dîke, û li gora çûna serê a temenê xwe, pileyên xwendinê jî, di warê zanistên cur bi cur de, dibirre, û her di temenê ciwaniyê de, ji bilî zimanê Farsî di zimanên Erebi, Îngilîzî û Rûsî de jî, şarezayiyê bi dest tîne. Her lewra jî piştî koça dawiyê a bavê xwe, dibe Qazî di bajarê Mehabadê de, û di vê erk û wezîfeya xwe de, bi awayekî dadperwerane, reftarê dike ku ew yek dibe cihê baweriyê bi wî di nava civatên xelkê de. Ew nav û navdarbûn demekê geşe kir, û zêdetir

vegeşiya, ku serokatiya îdareya çand a niha, û ewqafê girte stûyê xwe, û di girîngîdana bi karûbarên civakî û handana xelkê bo aliyê zanist û xwendin û fêrbûnê bi hemû hêza xwe tekoşîn kir.

Ji taybetmendiyên herî bilind ên Pêşewa bihêzbûna bîra azadîxwaziyê û welatparêziyê û Kurdperweriyê bû ku ew yek tevî bangewaza bo rizgariya neteweya Kurd û rêzdanî bo mafên mirovan bû.

Her ew hest û baweriyê jî ew hay (han) da, ku endametiya Komeleya J-K ku di 25`ê Gelawêja sala 1321`an de, hatibû avakirin, qebûl bike, û wê vegeşîne, û piştî sê salan avakirina wê li ser bingeha teşkilatî ya vê rêkxirawê, bi navek û bi nawerokeke serdemiyanetir û demokratîtir PDKÎ di 25`ê Gelawêja sala 1325`an de ava bike.

Her ji wir ve, û li ser bingeha baweriyên PDKÎ û bi hewla rêbertiya vê hizbê û bi mifahwergirtina ji derfeta dîrokî ya serdema şerê duyem ê cihanî û rewşa taybetî li beşek ji Kurdisatana Rojhilata, pêngav ber bi bidestveanîna hêviyên Kurd û armancên xwe hilgirt, û di 2`ê Rêbendana sala 1324`an de, yekem hikûmeta Kurdî di forma Komarî de ragehand, û wekî Pêşewayê Kurd û Komarê hate binavkirin. Êdî ji vir ve nave J-K û PDKÎ û Komara Kurdistanê û Pêşewa tîkelî hev bûn.

Deskevten Komara Kurdistanê bo neteweya Kurd ew jî di heyama tenê

11 mehên vê Komarê de, ew qas girîng û binirx bûn, ku dîroka Kurd û mirovahiye, şanaziye bi wan dike, û huner û jêhatîbûna Pêşewa Qazî Mihemed di bidestveanîna wan de, di civaka Kurdewarî de, 70 salî berî niha nîşan da, ku çawa kariye ewlehî û pêkanîna rewşa pirr ji tebahiyê di civaka eşîretî ya pirr ji cudahî de, desteber bike, û hemûyan jî di bin alaya Kurdistanê û di pêxema armanca Kurd de kom bike.

Komara Kurdistanê wekî deshilateke demokratîk a Kurdî di navçeyêke paşvemaî ya wê serdemê de, û dijberiya welatên navçeyê, digel wê komara sawa û berberekanîya zilhezên wê demê, di çarçovea berjewendiyên xwe de, derfeta domandina

temenê vê komarê nedanê, û pîlanên dariştî bo canemergkirina wê, bi riya hêza leşkerî a rejîma paşatiyê di Îranê de, bi rê ve çû.

Piştî jinavbirina Komara Kurdistanê Pêşewa Qazî Mihemed, Mihemedhusên Xanê Seyfî Qazî û Ebulqasim Serdrê Qazî li sibehiya roja 10`ê Xakelêweya 1326`an, li bajarê Mehabadê, li qada Çarçira cihê ragehandina Komara Kurdistanê hatin bidarvekirin, û hatin şehîdkirin. Piştî jî desteyeke din ji berpirsyarên Komara Kurdistanê hatin bidarvekirin, diyare pêş wan îdaman, hejmarek ji karbidestên PDKÎ û Komarê jî hatibûn girtin.

Bi vî rengî temenê Komara Kurdistanê mixabin, dawî pê hate anîn, lê ya ku ji Komarê û Pêşewa bi cih ma, PDKÎ û armancên Komara Kurdistanê û sembolên wan wekî sirûda neteweyî ya Ey Reqîb, navê Pêşmerge û alaya Kurdistranê bûn, ku îrorojê ne tenê her li Kurdistana Rojhilata, belkû di hemû parçeyên Kurdistanê de, remza neteweyî ya Kurd in, û pîroziya xwe parastine, bi taybetî ku alaya Komarê bi awayekî fermî di parçeyêke rizgarkirî de, pêlan dide, û pêşmerge bi canghorîtiya xwe di hemberî dagîrkir û terorîstên dewletî û nadewletî de, navdarbûneke cihanî bi dest xistine, û sirûda Ey Reqîb di boneyên resmî de, tê gotin. Hizba Pêşewa jî piştî 70 salan tekoşîn û qurbanîdan, di pêxema bidestveanîna deskevten Komara Kurdistanê û dabînbûna maf û azadiyên Kurd de xebat û tekoşîn li dijî deshilata Teh-

ranê, deshilatek ku li dijî demokrasi û mafê mirovan, mafê neteweyî û yeksaniya jin û mêran, û neteba digel riha serdem de ye, û di pêvajoya xebata nû de, ji hemû şewazên rewşa wê xebatê mifahê werdigre, forma niha ya vê xebatê di Rasana Rojhilat de xwe dibîne, ku di du salên borî de, di pêxema pêkvegirêdana xebata çiya û bajar hate holê, û dilgermî û hêviyeke nû da civatên xelkê Kurdisatana Rojhilat, û moral û hêzeke nû di têkoşerên Demokrat de pêk aniye.

Lewra PDKÎ wekî yadgareke Pêşewa û avakrê Komara Kurdistanê bi serbilindî ve, li rêbaza Pêşewa de pêngavan hildigre, û bi hebûna riha xwe rêkxistina digel serdem û guherînkariyan, bona bidestxistina armancên Komara Kurdistanê, di nava tekoşînê de ye, û bêguman nirxa vê xebatê jî herçend giran be, bi fedakariya tekoşerên wê, û heta xwegorîkirina wan cîbicî dike.

Di 70`emîn salvegera şehîdkirina Pêşewa Qazî Mihemed de, ya ku pêwendiya wê bi rewşa Kurd bi giştî ve heye, ew e ku xebata Kurd di hemû parçeyên Kurdistanê de, hevdem di holê de ye, û Kurd wekî neteweyeke ji maf û azadiyê bêparkirî, di bîrûraya giştî a cihanê de, berevajiyê eva ku dijmin bi nerewa û nerast dabûn nasandin, niha bi awayekî rewşa û rast, demokratbûn, û aşîxwazî û pêkkirin û bawermendbûna bi mafê mirovan selimandiye, û bi xebat û taybetmendiyên mirovî ve, cih û pêgeheke taybetî di bîr û raya giştî a cihanê de bo xwe desteber kiriye.

Di 70`emîn salvegera şehîdkirina Pêşewa Qazî Mihemed pêşewayê Kurd û Komarê, wekî hizba yadigara Pêşewa carek din em pêdagirî dikin li ser armancên neteweyî ên wî, û berdewamiya xebatê heya serkevtinê hêvî dikin, û bi piştevaniya berfireh ya têkoşerên neteweyî ên Kurd û siyaseta rast û fedakariya têkoşerên Demokrat em piştqahî in, û bi vî rengî riha pak ya Pêşewa û hemû şehîdên Kurdistanê şad û razî bikin.

Riha Pêşewayê nemir û hemû şehîdên Kurdistanê şad be

Rêbaza wan pirr rêvîng be

Em hêvî dikin ku Kurd serkeve, û bigihîje armancên xwe

**PDKÎ  
Deftera Siyasî**

**8`ê Xakelêweya sala 1396  
28`ê Adara 2017**



## Rêûresma 10'ê Xakelêwe li Navenda 3 ya Kurdistanê bi rê ve çû

**R**oja Şemî berwarê 12'ê Xakelêweya 1396'an a Rojî, li Navenda 3 a Kurdistanê, di rêûresmeke taybet de û bi pişikdariya hejmarek ji endamên rêberî, kadr û pêşmerge û malbatên Hizba Demokrat, rêz ji şehîdên roja 10'ê Xakelêweya sala 1326'an a Rojî hate girtin.

Di despêkê de rêûresmê bi sirûda netewî ya "Ey Reqîb" û ragirtina bêdengi-yê bona rêzgirtina ji canê pakê şehîdên Kurd û Kurdistanê dest bi karê xwe kir. Piştî peyama Navenda 3 a Kurdistanê ji aliyê "Kerîm Qelatî" endamê navenda 3 a Kurdistanê ve hate pêşkêşkirin.



Di beşa din a rêûresmê de helbestek bi navê "Pepûlekan" ji aliyê helbestvanê netewî "Mamosta Bêbeş" ve pêşkêşî pişikdarên rêûresm hate kirin.

Paşan peyama yekîtîyên Lawan û Jinan ji aliyê "Viyan Qadîrî" ve hate xwendin. Di beşa din a rêûresmê de sirûdek li jêr navê "Qazî Mihemed" ji aliyê hunermend "Xulam Fatihî" ve hate pêşkêşkirin. Paşan "Hikmet Nebîzade" pêşmergeyê PDKÎ helbestek li jêr navê "Xewa Şîrîn" û herweha "Şayan Xizrî" helbestek li jêr navê "Şehîd" pêşkêş kir.

Di beşa din a rêûresmê de ku taybet bû bi serdana goristana şehîdan, "Sîdîq Derwîşî" endamê Komîteya Navendî a PDKÎ, hevrê digel "Buhar Xoşmêrzade", hevjinê şehîd "Cemal Îsmâ'îlî", tacegula rêzgirtinê li ser mezarê şehîd "Qadîr Kerîmî" danîn. Beşa din a rêûresmê jî taybet bû bi pêşangeha wêneyên şehîdan, ku ji aliyê "Marya Qurbanî" hevjinê şehîd "Luqman Şêxanî" û herweha "Gîzîng Hacîpûr" keça şehîd "Qadîr Hacîpûr" ve hate vekirin.

## Rêzgirtina ji "Roja Şehîdên Kurdistanê" li Kurdistana Rojhilat

**B**i boneya rêzgirtin ji 10'ê Xakelêwe Roja Şehîdên Kurdistanê, rêvîngên rêbaza Hibza Demokrat li Kurdistana Rojhilat Çalakiyên teblîxatî lidar xistin.



Li gorî nûçeya gehîştî "Kurdistanmedia" yê, her di vê derheqê de bi boneya 10'ê Xakelêwe, Roja Şehîdên Kurdistanê, emegnas û rêvîngên rêbaza Demokrat, li Seyrangeheke herêma "Jawero" yê, bi çalakiyekê, şehîd "Kawe Cewanmerd", endamê Komîteya Navendî a PDKÎ bi bîr anîn.

Li gorî nûçeya gehîştî destê Malpera "Kurdistanmedia" yê, evîndarên rêbaza şehîdan, li gundê "Dêlezî" ya ser bi devera "Şîpîran" a Selmasê jî, bi boneya rêzgirtin ji şehîdên 10'ê Xakelêweya sala 1326'an a Rojî, çalakiyên berfireh ên teblîxatî lidar xistin.

Di vê çalakiyê de endam û alîgirên Hizba Demokrat a Kurdistana Îranê, bi nivîsandina dirûshmên taybet bi vê rojê, di nava gund û rêya sereke ya gundê Dêlezîyê de, rêz ji hemû şehîdên xwe bitaybet şehîdên 10'ê Xakelêweyê girtin.

## Bavê pêşmergeyekî PDKÎ çû ser dilovaniya Xwedê

**K**esayetiyeke naskirî ê navçeya Bokanê û bavê pêşmergeyekî PDKÎ koça dawiyê kir.

Li gora nûçeya ku gihaye malpera Kurdistanmedia, kak Hesên Xizirpûr xelkê Bokanê, bavê Hesên Xizirpûr û mamê Se'îdûn Xizirpûr pêşmergeyên PDKÎ ku bo serdana wan hatibû Başûra Kurdistanê, roja 12'ê Xakelêweyê di temenê 68 saliyê de, bi sedema sekinîna ji nişkêve a dil, di binkeya Azadiyê a ya PDKÎ li bajarê Koyê de, koça dawiyê kir.



Mala navbirî di çend dehikên borî de, cihê bêhnvedana pêşmergeyên PDKÎ bû.

Kak Husên heya dema koça dawiyê jî, kesekî wefadar bi hizbê, û endamekî dilsoj ê PDKÎ bû, û berdeham bi şanazî ve bas ji rêbaza PDKÎ dikir, û xema vê hizbê dixwar.

PDKÎ bi boneya koça bêwext a Mam Husên Xizirpûr sersaxiyê dibêje malbat, û kes û karê navbirî, û xwe şîrîkê xema wan dizane.

## Bavê pêşmergeyekî PDKÎ koça dawiyê kir

**K**esayetiyeke xweşnav ê navçeya Urmiyê û bavê pêşmergeyekî PDKÎ koça dawiyê kir.

Li gora nûçeya ku gihîştîye malpera Kurdistanmedia, êvariya roja 13'ê Xakelêweyê, Ebas Zencîrî kurê Hecî Salih û bavê pêşmergeyekî PDKÎ bi navê Selîm Zencîrî bi sedema nexweşîya penceşêrê di yek ji nexweşxaneyên Urmiyê de çû ber rehmê.



Xwedêjêrazî Ebas Zencîrî sala 1324'an di malbateke kurdperwer a naskirî de, di gundê Balûlan a ser bi navçeya Tîrgewer de ji dayîk bûye, û piştî li gundê Kanî Qizanê akincî dibe.

Navbirî kesayetiyeke welatparêz û naskirî ê bajarê Urmiyê bû. Di heyama salên borî de, bi vê sedemê ve ku kurê wî di nava refên PDKÎ de ye, çendîn carî ji aliyê îtila'ata rejîmê ve hate girtin û îşkencekirin, lê navbirî bo bîstekê jî dudilî di hemberî rêbaza kurê xwe de ji xwe nîşan neda, û hemû demekê bi şanazî ve bas ji rêbaza PDKÎ dikir. Termê xwedêjêrazî Ebas Zencîrî êvariya heman rojê di nava girseya xelkê navçeyê de, û di gundê Kanî Qizanê bi axê hate spartin.

PDKÎ sersaxiyê dibêje malbata xwedêjêrazî, û xwe şîrîkê xemên wan dizane, û sebr û tehemulê ji wan re bi hêvî dixwaze.



## Kurd û destûra nû ya Turkiyê



Elborz Ro'înten

Kurd û destûra nû ya Turkiyê Guherîna zagona Turkiyê ku guherîna sîstema deshilatdariyê jî bi dû xwe re tîne, yek ji mijarên herî çarenivîs-saz ên welatê Turkiyê ye ku, di 16'ê Aprilê de vê bikeve refrandomê. Ew guherînkariya han wê girîngiyekî taybet hebe bo Turkiyê, jiber ku wê sîstema çendîn salî biguhere û beşek din ji zagona Turkiyê ku di sala 1982'an de ku bi zagona kûdetaya "Ken'an Ewren" tê naskirin, wê bê guhertin.

Guherîna vê zagonê di pirograma hemû partiyên din de heye, û tenanet di çend salên derbazbûyî de beşek ji vê zagonê ku di qazanca gelê Kurd de bû hate guhertin. Lê guherînkariya vê carê ku di 18 xalan de hatiye darê-tin, bona guherîna sîstema parlamani ye bo sîstema serokatîyê ye, ku eva jî daxwaza Receb Teyîb Erdoxan ê serkomarê niha yê Turkiyê û serok û avakerê AKP ye ku, bi yek ji siyaseta- vanên herî bibandor di 2 dehikên der- bazbûyî di Turkiyê de tê hesibandin ku, kariye di hemû hilbijartinên 15 salên derbazbûyî di Turkiyê de, û berî wan hilbijartina bajêrvaniya Îstem- bolê de jî, serkevtinê bidest bixe, û niha jî xwediyê gelaleyeke ye bo sala 2023'an ku têde dixwaze di 100'mîn salvegera avakirina Sîstema Komarî di Turkiyê de, welatê xwe di warê aborî û hêz de bixe nava 10 welatên sereke ên cîhanê de.

Erdoxan vê guherînkariyê û anîna sîtema nû bi hewcehiyekê bona gehîştina Turkiyê bi vê wîzonê di- zane, lewra AKP'ê di sala derbazbûyî de û bitaybetî di dema birêveçûna Pêvajoya Aştiyê de, hewla vê guherîne û gellek guherînkariyê din bitaybetî digel HDP'ê dest pê kir, lê tu yek ji wan negehiştin encamê, û tenanet piştî biserketina di hilbi- jartinên sala derbazbûyî de û bidestx- istina 82 kursiyan ji aliyê HDP'ê ve, û derketina aloziyan di navbera herdu pariyan de, û jînavçûna Pêvajoya Aştiyê û derketina şer û pevçûnan di Turkiye û Kurdistanê Bakûr de, çend heyvan berî niha li ser destpêşxeriya MHP'ê, bîngeha wan guherînkari- yan digel AKP'ê hate dayîn û paketa

nû ku ji 18 madeyan pêk tê ji aliyê parlamana Turkiyê ve hate pejirandin.

Niha jî li gund û ba- jarên Turkiyê û Kurdistanê Bakûr de bangeşeya pejirandina vê guherînkari- yê ji aliyê xelkê ve tê kirin û herweha di jiberên vê guherînkariyê jî ku CHP û HDP û gellek partiyên din ji xwe digire, hewla retkirinê didin.

Bona vê ku pêgeha piştevan û di jiberên vê guherînkariyê û pêgeha gelê Kurd di guherînkariyên zagona Turkiyê de bê şirovekirin, di despêkê de bi kurtî emê bas ji madeyên nû ên vê zagonê bikin, bona vê ku bi ber- çavronî mijar bê şirovekirin. Madeya 1 : Madeya Nehemîn a zagona Turkiyê ku dibêje dadwer serbixwe ne, wê peyva "Bê Alî" jî pêve bê zêdekirin û bi vî awayî dibe; "Dadwerên serbixwe û bê alî. Madeya 2 : Madeya 75 a zagona berê ku dibêje 500 endamên parlamane, wê bo 600 Endamên parlamane bê guherîn.

Madeya 3 : Benda Yekem û madeya 76 a zagona berê, hejmara 26 heyvan wê bo 18 heyvan biguhere û di benda duyem de risteya, "Ewên ku xizmeta leşkirî nekirine", wê bo "Rewiyay- iyên xizmeta leşkirî" biguhere. Madeya 4 : Madeya 77 a zagona berê wê bê guhertin bi vî awayî; "Hilbi- jartinên serkomarî û parlamana Tur- kiye 5 salan carekî wê bê lidarxistin û endam parlamana dikare careke din ji xwe berbijêr bike, û heke di hilbi- jartina serkomar de jî, berbijêr nekarî dengên piraniya dengên bidest bixe, wê qonaxa duyemîn a hilbijartinê bi rê ve here".

Madeya 5 : Madeya 78 a zagona berê wê bê guhertin bi vî awayî; "Erkên parlamana Turkiyê wê yasa danîn, yasa guherîn û nehêlana yasayan be. Yasaya bûdce û hisaba diyarîkirî şirove û dipejirîne. Çapa Pere û rage- handina şer û pejiwandina lihevkerinên navnetewî û biryardan li ser bexşînên giştî û taybetî bi zorîneya 3 liser 5 a parlamane û herweha bicihanîna erk û mafên din ên diyarîkirî di zagona



Turkiyê de, diyarî dike". Madeya 6 : Madeya 98 a zagona berê, wê bê guherîn bi vî awayî; "Parlima- na Turkiyê ji rêya lêkolîna parlamani û şiroveya giştî û lêpîrsîna parlamane û ji rêya pîrsyarên nivîskî û wergirtina zaniyariyan, erkên xwe ên çavedêriyê bi rê ve dibe. Lêkolîna parlamane bona lêkolîna ji mijareke diyarîkirî , bi merema bidestxistina zaniyariyan hewce ye. Şirovekirina giştî bi mer- ema şirovekirina mijareke diyarîkirî ji çalakiyên hukûmet û xelkê di civîna giştî a parlamane de ye. Lêkolîna par- lîmanê ji serkomar û cîgir û wezîrên wî/wê li ser wan mijaran ku di benda pênc û şeş û heftem a madeya 106 a zagonê hatine diyarîkirin, pîrsyar bi nivîskî, pîrsyara endaman e li serkomar û cîgir û wezîrên wî/wê, bi merca bersivdanê di heyamê kêmtir ji 15 rojan de.

Şeweya destpêkirin û encamdana erkên ku hatine baskirin li gorî pey- rewa hundirîn a parlamane û yasayên peywendîdar wê bibe.

Madeya 7 : madeya 101 a zagona berê diguhere û di wir de amaje bi mercên serkomar dike ku gerek temenê wî/ wê pitir ji 40 saliyê be û regeznameya Komara Turkiyê hebe û rasterast bo heyamê 5 salan ji aliyê xelkê ve bê hilbijartin, û gerek ji aliyê partiyekî be ku di hilbijartina herî dawiyê de, aliyê kêmtir 50 dengên bidest xistibe û 100 hizar deng bidest xistibe tê hilbijartin, û her kesek tenê dikare 2 gerran bibe serkomar. Hilbijartina serkomar di çend qonaxan de tê encam dayîn, heke piraniya diyarîkirî bidest nexistibe, hilbijartin wê here gerra duyem, û herweha çavaniya hilbijartinê li gorî yasayê tê rêxistin. Madeya 8 : Madeya 104 a zagona berê tê guherîn û têde dibêje; "Serkomar berpîrsê deshîlata cîbicîkirinê ye û cîgirên xwe û kabîneya hikûmetê diyarî dike û hikûmetê bi rê ve dibe. Serokê deshi-

latên herî bilind diyarî dike û jikar der dixê, û nûneratiya xelk û dewleta Tur- kiye dike û madeyên zagonê birêve dibe, û heke hewce be di despêka sala nû ya yasa danînê de daxive û pirograman li ser mijarên cuda cuda birêve dibe, bi navê parlamane sero- katiya hêzên çekdar dike û siyaseta Encumena Asayîşa Netewî dadirêje, û peywendiyên Turkiye û welatên din rêk dixê û nûnerên welatên bîhanî qebûl dike û ...hwd".

Madeya 9 : Madeya 105 a destûra berê tê guhertin û tê de bas ji ça- vaniya lêpîrsîna ji serkomar dike dema tawanekî encam bide, û eva jî bi dengê piraniya perlemanê wê bê encamdan û mîkanîzma wî karî tê diyarîkirin.

Madeya 10 : Madeya 106 a zagona berê tê guherîn û têde îşare bi ça- vaniya kar û danîna cîgir û wezîr û wekaletan ji aliyê serkomar ve dike û herweha bi her sedemekî serkomar nekare erkên xwe cîbicî bike, di heyam 45 rojan de wê hilbijartin bê encamdan, û heke parlamane jî kêmtir ji salekî dem mabe, wê parlamani jî bê nûkirin.

Herweha hesaneya (parêzbendiya) endamên parlamane dide bi wezîr û cîgirên serkomar ku li derveyî parlamane tene diyarîkirin. Herweha çavaniya wergirtina hesaneyê û dest- pêkirina lêpîrsînan di dema encam- dana tawanan diyarî dike.

Madeya 11 : Madeya 116 a zagona berê bi vî awayî tê guherîn; "Parlîman dikare bi zorîneya 3 liser 5 a endamên parlamane biryarê bide hilbijartina parlamani û serkomar bê nûkirin, her- weha serkomar jî dikare hilbijartinên parlamane nû bike, bi mercê nûkirina hilbijartina xwe, û herweha di dema nûkirinê de ev gerra serkomariyê jê re tê hesibandin.



Madeya 12 : madeya 119 a zagona berê tê guherîn, bi awayekî ku, çavaniya ragehandina rewşa awarte di demekî diyarîkirî de û çavaniya birêvebirina karûbarên hikûmetê ji aliyê hikûmetê ve diyarî dike.

Madeya 13 : bi madeya 142 a zagona berê bendek hatiye zêdekirin ku têde amaje bi çavaniya damezirandina dadgeha leşkirî dike ku xincî disiplinên şer, avakirina vê dadgehê girê dide bi hebûna şer.

Madeya 14 : Serbarê çend guherînkariyan di madeya 159'ê de, çavaniya destnîşankirina endamên Encumena Dadwer û Dozgerê Giştî ku ji 13 endaman pêk tê ji aliyê serkomar ve, ku hevdem serokê vê encumenê û Wezîrê Dadê û 2 şêvirmendên wî/wê ye. Herweha beşek zêde ji wan endaman ji aliyê serkomar ve bi awayê rasteras û nerasterast tîn diyarîkirin. Herweha çavaniya destnîşankirina endameke nû di dema nemana endameke din de diyarî dike.

Madeya 15 : Madeya 161 a zagona berê ku taybete bi mijara bûdce ye, tê guherîn û bas ji vê yekê dike ku, serkomar bername û bûdceya yek salî bo hemû wezaret û dezga û desteyên hikûmetê diyarî dike û bona şirovekirinê dişîne parlamenê û li wir tê pejirandin.

Madeya 16 û 17 û 18 bi giştî çavaniya guherîna madeyên zagona berê bona guncandina digel zagona nû de ye, ku hejmarek zêde ji made û bendên wê tîne guherîn. Jiber ku sîstema birêveberiya Turkiyê ji parlamenê ve diguhere bo serokatîyê.

Ev 18 made bi hejmar kêman in, lê di naverok de gelek mijaran di Turkiyê de diguhere. Di despêkê de bi kurtî sedema razîbûn û dihatya hêz û aliyên siyasî di qada siyaseta Turkiyê de emê bas bikin.

Hêz û aliyên razî:

AKP û MHP ku weke hêzên sereke yê piştevanê vê guherînkariyê ne û darêtina vê guherînkariyê jî ji aliyê wan ve hatiye encamdan, sedema hewcehiya bi vê guherînkariyê weha şirove dikin: "Sîstema niha ya Turkiyê ku berhema kûdetaya sala 1980'î a serleşkirê Turkiyê "Ken'an Ewren" e, û wî deshilatê cîbicîkirinê di navbera serkomar û serokwezîr de ku hikûmetê jî li xwe digire parve kiriye, û piştê bi xwe bûye serkomar, wate serkomarek bi deshilatên zêde ve daniye bi bê lêpîrsînê. Herweha di hinek waran de hekî serkomar û serokwezîr xwedîyê nêrînê cuda bin, wê kêşe û alozî derkevin holê û ewlehiya

welat tevlihev dike, bitaybetî piştî guherîna şêweya hîlbijartina serkomar li parlamenê ve bo hîlbijartina rasterast di nava xelkê de. Herweha sîstema niha xwedîyê arîşe û astengên zêde ye ku dibine sedema rêveberîyeke xirab û gendeliya îdarî û gellek mijarên din ku nikarin di rewşa niha ya Turkiyê de bersivder bin, lewra remza pêşkevtin û gehîştina bi armancên wîzyona 2023 a Turkiyê û AKP, di gireva vê guherînê de ye. AKP herweha gotinên her du serkomarên berê yê Turkiyê "Silêman Demîrêl" û "Turgut Uzal" li hember hewcehiya hebûna sîstemekî bi vî rengî, weke belge bo selimandina rastî û dirustiya guherînkariyê dixin ber bas.

Hêz û aliyên dijber:

HDP û CHP û gellek hêz û aliyên din li dijî vê guherînkariyê ne. Ew guherîna wan 18 madeyan bi guherîna rejîmê dihesibînin, û tenanet bas ji vê dikin ku piştî serkevtina vê guherînkariyê di refrandomê de, hikûmetê dibe takekesî û yek kes hikûmetê bi rê ve dibe, û eva jî dibe dîktatorî û tenanet ev deshilatên ku di destûra nû de bo serkomar hatine dayîn, ji deshikata "Paşa" jî zêdetir in, û bi tewahî parlamen lewaz kiriye û nikre çavedêriyê biser hikûmetê de bike. Herweha bi diyarîkirina endamên encumena dadweriyê û dozgerê giştî bi tewahî dest biser deshilatê Dadê de digre û eva jî dîktatoriyê berhem tîne. Herweha ev deshilatên ku serkomar bona nûkirina parlamenê ku bi hîloşandina parlamenê tê navbirin û deshilatên din ên weke diyarîkirina serokê gellek deste û dezgeh û biryarên di dema rewşa awarte de, Turkiyê ber bi dîktatorî û biryara takekesiyê ve dibe.

Kurdên Turkiyê:

Beşek ji gelê Kurd di çarçoveya AKP de razî ne bi guherînê zagona Turkiyê ku rêjeya wan Kurdan ne diyar e, û beşek ku xwe nêzîk ji HDP dibînin bi



**pejirandin an jî ret kirina vê zagonê ji aliyê xelkê ve, serkevtin û gehîştina Kurdan bi mafê xwe, girêdayî ye bi rêkxistin û yekxistina hêza Kurd, eva jî merc nine ku hemû di hêzekê de bin, belkî dikare di çend hêzên hemaheng de be**

tewahî li dijî vê guherînê ne.

Eva ku zelal û eşkere ye eva ye ku, di zagona nû de tu tiştek bo gelê Kurd nehatiye dayîn, jiber ku yek ji sedemên sereke beşdarnebûna Kurdan di nivîsandina vê zagonê de bû. Nasyonalîstên Turk ne tenê di vê zagona nû de, belkî di sedsalên derbazbûyî de di nivîsandina zagona Turkiyê de xwedî rol bûne û sedema sereke ya zulm û zordariya di Turkiyê de bûne, lê zulm û zordariya vê carê ya li ser Kurdan, beşek zêde dikeve stûyê gelê Kurd bi xwe, jiber ku piştî serkevtina di hîlbijartinê de û bidestxistina pitir ji 80 kursiyên parlamana Turkiyê, dikarin siyasetekî weha bigirine pêşîya xwe ku di nivîsandina zagona nû ya Turkiyê de rolê bilîzin. Hekî danûstanên di navbera AKP û HDP de berdewam ban, niha hinek made di zagona nû de hebûn ku bi qazanca gelê Kurd bûn, jiber ku hêza MHP û HDP weke yek in, lê mixabin niha bas ji xwastekên MHP tê kirin û Kurd bêpar e. Jiber ku hemû mercên

MHP avakirina Turkiyayekê ye ku bi qazanca gelê Kurd nebe.

Çalakvan û siyasetvanên Kurd li Kurdistanê Bakûr gerek pêdeçûnê bi ser siyasetên xwe de bikin, ka gelo çima ber bi paşve çûn?, da ku bibe waneyek bo pêşerojê. Niha Kurd nikare bê lêkolîn pêngavan ber bi pêşve bavêje, lewra gerek hûrbînî liser vê siyaseta şaş a gelê Kurd were kirin. Herweha hekî di Turkiyê de zagonek weha bê nivîsandin ku rengvedana astengên di nava Turkiyê de nebe, bê guman sibê an 2 sibê carek din asteng wê derkevin holê, û turkiye jî nikare bê çareserîya wan astengan, bigîje armancên xwe yên diyarîkirî.

Bi kurtî bi pejirandin an jî ret kirina vê zagonê ji aliyê xelkê ve, serkevtin û gehîştina Kurdan bi mafê xwe, girêdayî ye bi rêkxistin û yekxistina hêza Kurd, eva jî merc nine ku hemû di hêzekê de bin, belkî dikare di çend hêzên hemaheng de be, lewra jî gerek Kurd bo vê yekê bixebite.



## Nerîna Lîderan



Muftî: “Bi tu awayî alaya Kurdistanê danakeve”.



Erdoxan: “Demildest vê alayê li Kerkûkê bînin xwarê”.



Çavuşoglu: “Mafê Encumena Parêzgeha Kerkûkê tune, ku referandomê bike. Tenê ev encumen dikare daxwaza referandomê ya Kerkûkê, bigihîne Bexdayê”.



Ebadî: “Em rê nadin tu destwerdanên ji derve”.

## Şîpela axabaniyan, bû serçopîkêşa newroza neteweyî!

Mihemed Silêmanî

PDKÎ bi destpêkirina xebata siyasî û çekdarî li jêr navê Rasanê de, cardin pêşengbûna xwe selimand, û her di vê derheqê de jî, bi dirêjahiya dîroka xwe, li serveyî hizb û rêxirawên din ên Rojhilata Kurdistanê bûye. Berhema xebat û tekoşîna salekê berî niha, ku di bin diruşma Rasanê de li Rojhilata Kurdistanê dest pê kir, komeke çemk û faktên bê bingeş li ser hêz û nifûza PDKÎ pûç kirin. Gellek hêz û deste û alî li ser vê baweriyê bûn, ku êdî PDKÎ ew hêza wê ya caran nemaye, ku bikare şoreşê di Kurdistanê vegeşîne, û bi hêzê ve berbirûyê rejîma teroroîst a axûndî a Îranê bibe, lê niha berevajîya wê rast e.

Newroza îsal, newroza axabaniyan, bi xweşî ve şîpelên beşdarî û hatina bo nava qadê ya tex û qatan, karbidest bi tewahî nîgeran kirin, û bo dapoşîna nîgeraniyên xwe jî, wan dest kirin bi azardana xelkê, her wekî pîşeya xwe ya derbazbûyî. Rasan û newroza axabaniyan, li serhildana dîroka nû ya gelê me de, girîngî û taybetmendiya xûya û berçav ya xwe, wergirtiye, û dengbilindkirin, û pêşwazîkirina ji newrozê li jêr diruşma `em jî hêvinê piraktîzekirina axabaniyan in` nîşaneya peyama siyasî û teşkilatî ye di navxwe ya Rojhilat ve bo têkoşerên azadîxwaz ên çiya.

Tevgera şoreşgerî di Rojhilata Kurdistanê de, bi ser gellek qonaxên nexweş û tarî û kendalkorên siyasî û civakî de zal bûye, û bi alîkarî û dilgermî û piştevaniya berfireh ya civatên xelkê Kurdistanê, li ser bingeş form û metod û mîkanîzma berkar de, pêvajoya xebat û berxwedana xwe domandiye. Destpêkirina xebata siyasî û çekdarî li jêr diruşma Rasanê de, bi xatircemî ve, bandoreke gellek kûr û mezin li ser rewşa siyasî û rêxistinî di nava hêzên têkoşer ên Rojhilata Kurdistanê de daniye. Niha jî ji hemû demekê zêdetir xebata bajar û çiya hewcehiya wê bi yekrêzî û hevpiştiya giştî heye, û serhevixistina hêz û nifûza siyasî û teşkilatî, di navxwe ya welat de, parsenga hêzê li berjewendi-



ya tevgera siyasî a Kurd de diguhere. Demekê ku di pêşwazîkirina newroza îsal de, şîpela axabaniyan bûne serçopîkêşa wê bîranîna neteweyî, bêguman berhema tekoşîna çendîn salî ya xortên wê ye di pêxema armanca rizgariya neteweyî de.

Bilindragirtina yad û bîra newrozê bi axabaniyan, nîşaneya hişyarî û serwestiya siyasî û neteweyî a gelê Kurd divê beşa Kurdistanê de ye, û di byaveke din de jî, bêzarî û nerazîbûna li dijî hikûmeta axûndî a Îranê ye. Dêhilatdarên Tehranê û neyarên tevgera rizgarîxwaziya gelê Kurd de, dilê xwe bi vê xweş kiribûn, ku êdî tiştek bi nava şoreş û hesta berbirûbûnê di nava hêzên siyasî û têkoşerên Rojhilata Kurdistanê de nemaye, û ji vê kanalê ve hewl didan, ku tovê bêhêvîtiyê di nava dilê xelkê de biçînin.

Lê Rasan û newroza axabaniyan, ew xewna karbidestên leşkerî kire bilqa ser avê, û ya ku rejîm û hevbasên wê, bîr jî, jê nedikirin, niha bi çavên xwe dibînin, û hest pê dikin, û yekrêzî û yekdengî û hevpiştiya neteweyî û pêwendîya xebata çiya û bajar ji wan re eşkere bûye.

Di welatekê de, ku xelk hest bi hebûna xwe neke, û ji vê xêr û bêra welatê xwe bihê dûrxistin, û her cure azadiyeke eşkerekirina boçûnan lê bihê zewtkirin, nîşaneya zalbûna rewşa siyasî û emnî ye, û ya niha û salên borî, di Îranê û Kurdistanê de bi rê ve çûn, dirêjkirina siyaseta serkut û tirsandinê, ya rejîma axûndî di hemberî gelên welat de bûye.

**Newroza îsal, newroza axabaniyan, bi xweşî ve, karbidest bi tewahî nîgeran kirin, û bo dapoşîna nîgeraniyên xwe jî, wan karbidestan, her wekî pîşeya xwe ya derbazbûyî dest kirin bi azardana xelkê**

Tekoşîna hevbeş û pilatforma neteweyî li ser bingeş berjewendîya giştî ya xelkê Kurdistanê ku hêzên siyasî ên Rojhilata Kurdistanê li dewra maseyê kom bike, bêguman bandora wê li ser rewşa navxwe ya welat dibe, û ew yekgirtina siyasî niha hewcehiyeke dîrokî ye. Lewra jî dibe ku Rasan û newroza axabaniyan bi destpêka dewreyeke nû ji dîroka serhildana tevgera rizgarîxwaziya Kurd bihê danîn, û hewl bête dayîn ku hemû aliyek piştevanê vegeşandin, û bihêzkirina vê tevgera sertaserî bin.



**Zara Mihemedî :**

**“Şehîd Êqbal daxwaza min qebûl kir, û bi fermî ez bûme endama Hizbê, û sala paştir min qonaxa xebata xwe guherî, û bi fermî bûme pêşmerge”.**

**H: Arif Vêlî**

**B**irîna jidestçûna rêberên şehîd û hemû şehîdên rêya rizgariya Kurdistanê, bi qasekî biêş e, ku her mirovekî xebatkar ku hest bi bindestî û êş û elemên gelê xwe bike û, hevdem cangorîtiya wan

şehîdan ji bir neke, ku bona parastina kerameta gelê xwe canê xwe pêşkêşî baregehên azadiyê kirine, dibîne ku piştî derbeazbûna bi dehan salî, hêj birîn kûr û bijan e.

Zara Mihemedî jî yek ji wan xebatkarên jin di refên Hizba Demokratî Kurdistanî Îranê de ye ku niha jî birîna jidestçûna rêberên şehîd, giraniyê dixê ser dilê wê, û dibêje ku: “Roja şehîdketina wan tu carî nahên jibîrkirin”.

Zara Mohemedî keça “Rehîm”, sala 1976’an (1355) li gundê “Dere

mokrat de, weha tîne ziman: “Sala 1990’î (1369) ez digel Şehîd “Êqbal Bêygi” nasyar derketim, ku di Komîteya Şaristana Seqizê ya PDKÎ de pêşmerge bû, min daxwaz ji wî kir ku min weke endam di teşkilata Hizbê de qebûl bikin, şehîd Êqbal daxwaza min qebûl kir û bi fermî bûme endama Hizbê, û sala paştir (1991) 1370’î min qonaxa xebata xwe guherî û bi fermî bûme pêşmerge di Hibza Demokratî Kurdistanî Îranê de”.

Zara Mihemedî ya xebatkar derheq bi jiyana xwe ya hevpar ji Agiriyê re dibêje: “ Sala 1991’an a Zayînê (1370) min digel “Seyfollah Xeyrî” yê



**Ev şanazî bûye nisîbê min ku berî şehîdkirinê, ez Dr. Se’îdê rêber ji nêzîk ve bibînim û wêneyekî ji digel wî bikişînim, eva yek ji rojên herî xweş ên jiyana min e, û tu carî bal min nahê jibîrkirin**

ji PDKÎ û hevjinê xwe yê pêşmerge dibêje: “Çavnihêriya min ji Hibza Demokratî û hevjinê xwe yê pêşmerge eva ye ku, dirêjîderê rêzaba rêberên şehîd Qazî û Qasimlo û Şerefkendî bin, jiber ku weke rêberê me yê şehîd Dr. Qasimlo dibêje; “Baştirin padaş bo şehîdan berdewamiya rêya wan e”.

Zara Mihemedî roja herî xweş a jiyana xwe weha tîne ziman: “Yek ji bîreweriyên herî xweş ên jiyana min eva bû ku, wî çaxî binke û baregehên Hizbê zêde û berbilav bûn, mixabin temenê pêşmergegiya min jî tenê yek sal bû, lê bi vî halî jî, ev şanazî bûye nisîbê min ku berî şehîdkirinê, ez Dr. Se’îdê rêber ji nêzîk ve bibînim û wêneyekî ji digel wî bikişînim, eva yek ji rojên herî xweş ên jiyana min e, û tu carî bal min nahê jibîrkirin. Xûya ye ku rojên herî xweş ên jiyana min hindik in, lê serkevtin û destanrêsiyên hêza pêşmergeyên Hibza Demokrat

di hejmarek şerên li dû hev di sala 1989’an de, ku Melbenda 2 ya Seqizê tomar kir yek ji wan rojên xweş ên jiyana min in. Di wan şeran de hêza pêşmerge li hemberî êrîşên rejîmê de sekinî û bi şikandina êrîşa dujmin, rejîm şermezar kirin”.

Zara Mihemedî li hember de roja herî nexweş a jiyana xwe weha tîne ziman: “Rojên nexweş di jiyana siyasî ya min de jî zêde ne, lê roja herî nexweş ew roj bû ku Dr. Se’îdê rêber, bi destê terorîstên rejîma Komara Îslamî ya Îranê hate şehîdkirin”. Zara Mihemedî bi vê peyamê dawiyê bi hevpeyvîna xwe tîne: “Ez daxwazê ji keç û jin û dayîkên Kurdistanê dikim ku, di perwerdekirina zarokên xwe de, bihêz kirina hesta welatparêziyê liberçav bigirin, da ku nifşek perwerde bibe ku tevlî refên pêşmerge bibe, bone serxistina armanca şehîdan”.



Simayîl” a ser bi bajarê Seqizê hatiye dinê.

Zara Mihemedî seba nasyariya xwe digel Hizba Demokratî û tevgera rizgarîxwaziya gelê Kurd li Kurdistanî Rojhilat dibêje: “Min bo cara Yekemîn di sala 1983’an (1362) de Hizba Demokrat nas kir, wî çaxî temenê min 7 salî bû, min digot ezê herim bibim pêşmerge, lê malbata min ji min re digotin ku, şoreş dîr û dirêj û berdeyam e, bila hinek din temenê te mezin bibe, piştî here û tevlî refên pêşmerge be.”

Zara Mihemedî herweha tevlîbûna xwe ya di nava refên Hizba De-

pêşmergeyê Hizba Demokratî Kurdistanî Îranê jiyana hevpar pêk anî ku xwediyê 2 birayên şehîd e.”

Zara Mihemedî piştî bi salan jiyana di nava şoreşê de dibêje: “Piştî derbeazbûna wan hemû salan bi ser jiyana pirr ji zehmetî ya di nava şoreşê de ku hemû di nava awareyiyê de derbaz bûye, niha jî şanaziya bi xwe dikim ku di refên PDKÎ de me, û wê berdeyam jî bim li ser rêbaza xwe, heya gihîştina bi rizgariya Kurdistanî Şîrîn.”

Pêşmergeya xebatkar Zara Mihemedî derheq çavnihêriya xwe



## Saziyên mafê mirovan daxwazê ji Ewrûpayê dikin zext û givaşên ser Îranê zêde bikin

**D**u saziyên berevankar ê maf mirovan ku li ser mijara bînpêkirina mafên mirovan di Îranê de disekinin, daxwazê ji welatên Ewrûpayê dikin ku, bona sekinandina cezaya bidarvekirinê, zext û givaşên zêde bixin ser rejîma Îslamî ya Îranê.

“Saziya Mafê Mirovan di Îranê de” û herweha saziya navnetewî ya binavê “Li dijî cezaya bidarvekirinê lihev bikin” di rapora xwe ya salane de, ku taybet e bi mijara cezaya bidarvekirinê di Îranê de, daxwaz ji wan welatên Ewrûpayê kirine ku têkilî digel rejîma Îranê hene ku, bona sekinandina cezaya îdamê û çaksaziyên bingeîn di yasayên dadweriya Îranê de, zext û gîwaşên zêde bixin ser rejîma Tehranê. Rapor herweha “Dadgehên Şoreşê” bi tundî rexne dike û wan weke sedema sereke ya bidarvekirinê zêde, bê berçavgirtina yasa û rêsayên dadweriyê dide zanîn.

Rapor dibêje ku di sala 2016’an de 530 kes di Îranê de hatine îdamkirin, ku tenê 232 kes ji wan bi fermî ji aliyê rejîmê ve hatine ragehandin, û nêzik bi %65 ji wan, wate 340 kes ji aliyê “Dadgehên Şoreşê” ve bi îdamê hatine mehkûmkirin.

Di raporê de hatiye ku pitir ji 170 kes bi tawana madeyên hişber û 142 kes bi tawana kuştinê hatine îdamkirin, ku 5 kes ji wan zarokên di bin temena yasayî de bûne û 9 kes jî jin in. Eva di demekî de ye ku sazî û nawendên navnetewî daxwaz ji rejîmê kirine ku îdama di cihên giştî û pêşberî çavên xelkê bide sekinandin, lê bi vî halî jî di sala 2016’an de 33 kes di Îranê de liber çavên xelkê û di cihên giştî de hatine bidarvekirin. Rapor herweha eşkere dike ku di gerra yekem a serkomariya Hesên Rûhanî de ku wê bi dawî tê, rêjeya îdaman di Îranê de gellek zedetir bûye ji 2 gerên serkomarê berê, wate Mehmed Ehmedîniyad de.



## Nîkî Hêlî Bêhelwêstiya civaka cîhanî li hember bûyerên sala 88’an di Îranê de rexne kir

**N**ûnera dewleta Donald Trump di rêxistina “NY” de, siyasetên dewleta Barak Obama, serkomarê berê yê Amerîkayê derheq bi nerazîbûnên sala 1388’an a Rojî di Îranê de, bi tundî rexne kir.

Nûnera Amerîkayê di “NY” de, di gotara xwe ya roja Çarşemiyê 29’ê Adara 2017’an de, liser nerazîbûnên sala 1388’an a Rojî di Îranê de sekinî û, pêdagirî liser bînpêkirina berfireh a mafê mirovan di Îranê de, û bêdengbûn û bê helwêstiya siyasetvanên civaka cîhanî di vê derheqê de kir.

Di hilbijartinên serkomariya sala 1388’an de, piştî vê ku serkewtina “Mehmed Ehmedîniyad” hate ragehandin, binav çaksazîxwazên Îranê bas ji saxtekariyên rêxistî di encama dengdanê de kirin, û dest avêtin meşên nerazîbûnê, di bersiv de dezgehên serkut û ewlehiya rejîmê daketin nava kolanan de û dest avêtin tepeserkirina xelkê û di encam de bi dehan kes hatine kuştin û bi sedan kes jî hatin destbiserkirin.

Nîkî Hêlî di gotara xwe de dibêje ku, kuştina hinek ji xelkên nerazî liser kolanan, morala xelkê nerazî bilind kir, lê bijardeyên civaka navnetewî lê xwedî derneketin û berjewendiyên din hilbijartin. Hêlî siyasetvanên navnetewî bi berdana piştî xelkê nerazî di Îranê de, bona parastina berjewendiyên xwe tawanbar kirin û got, mirina xelkê nerazî liser kolanan û hêvî û xewnên xelkê Îranê nehatine berçavgirtin, û hemû bi avê re hatine berdan.




## Rejîma Îranê hewla têkdana seyran û xweşiyên xelkê dide

**R**ejîma Îslamî ya Îranê ji rêya kirêgirtiyên xwe ve, hewla têkdana seyran û xweşiyên xelkê, di roja “Sêzdeh Bider” a Îsal de da.

Li gorî nûçeya gehîştî destê Kurdistanmedia yê, kirêgirtiyên Sipaha Terorîst a Pasdarên rejîmê, li “Geliyê Bênar” a ser bi devera Mîrgewer a Urmîyê, êrîş birin ser xelkê di dema seyran a 13’ê Bederê de, da ku seyran û govend û dîlana van tevlî hev bike.

Lê xelkê derorê digel kirêgirtiyên Sipahê berbirû bûn û di encam de girjî û alozî derketin holê. Nûçegihanê Kurdistanmedia yê di vê derheqê de ragehand ku, heya gehîştina vê nûçeyê tu zaniyariyek lîdor zirarên wî şer û pevçûnê belav nebûne.

Her di vê derheqê de kirêgirtiyên rejîmê li gundê “Şîyan” a ser bi bajarê Sine jî, bi merema têkdana xweşî û seyran a xelkê, êrîş birin ser govend ku dîlana xelkê, di dema seyran a 13’ê Bederê de. Hevdem li herêma Serpêl Zehawê jî, hêzên rejîmê êrîş birin ser xelkê di seyrangê de, û çend xortek destbiser kirin, û serbarê sivikatî û bêrêziyên zêde, liber çavên xelkê gellek ji wan xistin. Hatiye ragehandin ku li gundên “Qelawarî” û “Qela Behadorî” a dever Serpêlê û bi giştî ji Îlamê heya Urmîyê, rejîma Îslamî bi awayên curbicur kêf û xweşî û seyranên xelkê tevlîhev kirine.





## Stranbêja Kurd: Ji ber ku kurdî nizamim, ez şerm dikim

**S**tranbêja kurd Nermîn Şewqî ragihand, ew kurd e, lê zimanê kurdî nizane û ji ber vê yekê jî şerm dike.


Nermîn Şewqî li Şamê hatiye dinyayê, ji ber şerê ku li Sûriye û Rojavayê Kurdistanê diqewime, li paytexta Libnanê bajarê Beyrûdê niştecih bûye.

Stranbêja navdar Nermîn Şewqî ji Rûdawê re ragihand, tevî ku ew kurd e, zimanê kurdî nizane û ev jî, wê aciz dike.

Şewqî dibêje: “Birastî tevî ku ez kurd im, zimanê kurdî nizamim û ji vêya jî pir şerm dikim. Diviyabû ez bizanim. Sedema wê ew e ku dê û bavê min bi min re bi kurdî neaxivîn. Em li Şamê bûn. Diya min û bavê min li malê bi hev re bi zimanê erebî diaxivîn. Niha ez ji wan dipirsim, çima bi min re bi kurdî neaxivîn.”

Nermîn Şewqî diyar dike ku hez dike bi zimanên erebî, frensî û îspanyolî stranan bixwîne û dibêje: “Ji ber ku kurdî nizamim, heta niha min nekarî bi kurdî stranan bibêjim. Lê ez dixwazim herim serdana Başûrê Kurdistanê û demek li wir bimînin. Di albuma xwe ya nû de dixwazim çend stranên kurdî bixwînim.”

Herwiha Nermîn Şewqî destnîşan dike, ji ber ku malbata wê li Şamê dijîn, gelek caran diçe Şamê û dibêje: “Dê û bavê min ji bo min pir bi qîmet in, ez bi wan şanaz im, pêwendiya me jî gelek baş e. Li Sûriyê deverên ku di destê Beşar Esed de ne, gelek baş in, ti pirsgirêk tine ne. Li wan deveran, hunermend dikarin hunera xwe bimeşînin.” Stranbêja kurd dibêje li Beyrûdê xebatên xwe yê hunerî didomîne û her roj ji bo provayan diçe Operaya Beyrûdê.



## Gotinên Navdaran



**A: FIRAT CEWERÎ**

Darên ku dereng digihên darên herî bi ber in.

**Publilius Syrus**

Yê ku xwe bispêre dareke baş bêî sî namîne.

**George Harbert**

Xemkişandin ji mirinê bêtir cesaretê dixwaze.

**Napoleon**

Ger nan hebe her xem tê kişandin.

**Cervantes**

Xorto wilo bixebite: An bi xwe çêke, an arîkariya ewan bike ko çêdikin, ava dikin...

Di dinyayê de tu tişt nîne ko tekûz bit.

Di her tiştî de, nemaze di karên nû destpêkirî de, pirçar, kêmanî hene.

Heke te kêmanî dîtî, hema dirêjî wan meke. Lê bixebite ko tu bikevî nav wan, arîkariya daniyan bikî û wan kêmaniyan bidedilîn.

Hilweşandina stûnekê hêsanî ye.

Huner di rastkirina stûna xwêl de ye.

Kurd ji hev cuda dilopên baranê ne, cihê cihê tene daqurtandin. Ko gihane hev dibin lehî, lehîke boş. Tu kes, tu tişt li ber wan nikare bisekine.

Felata welatê me di rabûna vê lehiyê de ye.

**Celadet Alî Bedir-Xan**

## “Bob Dylan” di dawîya dawîn de xelata xwe ya Nobelê girt

**H**unermend û stranbêjê amerîkî “Bob Dylan” Xelata Nobelê a Wêjeyê piştî merasîma xelatdayînê bi 4 mehan girtiye.

Li gorî nûçeya televîzyona swêdî ya dewletê SVTê stranbêjê navdar ê amerîkî Bob Dylan Xelata Nobelê a Wêjeyê piştî merasîma xelatdayînê 4 mehan standiye.

Hat ragihandin ku li Stockholma paytexta Swêdê di merasimek taybet de Bob Dylan xelata wergirt û akademisyên swêdî “Sture Allen” û “Kjell Espmark” jî beşdarî merasîmê bûne. “Bob Dylan” par liyaqî xelata Nobelê hatibû dîtin wî beşdarbûna merasîmê red kiribû û xelatê wernegirtibû. Lê îsal ew fikra xwe guherand û ji bo wergirtina xelatê çûbû Swêdê.

Komîteya Nobelê, Xelata Wêjeyê ya 2016an ji bo ku di kevneşopîya mûzîka Amerîkayê de şêweyekî nû yê helbestê afirandiye xelata Nobelê dabû Bob Dylan.



## Cemal Sadûn bi stranên xwe yê evîndarî û neteweyî navdar bû

**B**erî 3 salan di roja 31ê Adara 2014'an de hunermendê Kurd yê navdar û dengxweş Cemal Sadûn koça dawî kir.

Cemal Sadûn ji bajarê Dêrikê yê Rojavayê Kurdistanê bû. Cemal bi zindîkirina şahî û dawetên welatîyên Kurd, herwiha bi stranên xwe yê evîndarî û neteweyî cihekî berçav di dilê Kurdan de girtibû. Koça Cemal xemgîniyeke mezin di dilê guhdar û hogirên wî de dirust kir, kurdan ji berê ve dîroka cih û warên xwe bi tev kiltûr û rastiyên war û welat, bi deng û stranên xwe parastine û her stranek û heyraneke wan, dîroka civak û neteweyê ye ku ew jî kurd in.

Cemal Sadûn ne tenê stranbêjê Dêrika Hemko yê dengzelal û hestiyar bû, lê ew dildar û evîndarê Dêrikê jî bû. Cemal beşek ji bireweriya Dêrikê û xelkê wê ye û hevalê kêf û xemgîniyên wê bû.

Wek çawa darek girêdayî axa xwe ye, Cemal jî wiha girêdayî axa xwe bû, lê belê ji neçarî berî wî ket riyên dûr û welatên xerîbiyê û ji bo serdana zarokên xwe çûbû Bulgaristanê, lê ji kerb û qehra xerîbiyê kezêba wî kul bû.

Cemalê ku digot ez kevîrê Dêrikê nadim bi hemû Ewrûpayê, di 31ê adara 2014an de li nexweşxaneyê Bulgaristanê, bêtî ku xatirê xwe ji Dêrikê bixwaze, çavê xwe ji bo heta hetayê girt. Cemal Sadûn di sala 1958an de li Dêrikê di malbateke Kurd ya hejar û hunerhez de ji dayik bû. Hîn zarok bû, ji strangotinê hez dike û stranan dibêje û kaseta xwe ya yekemîn Zincîr û Qeyd in di sala 1981ê de belav dike. Cemal heta mirina xwe jî, wek bilbîlekî di hemû dawet û şahî, Newroz û boneyên Dêrikê de beşdar dibe û bi dengê xwe yê taybet û xweş dilê dêrikiyan geş dike.

Dengê Cemal dengê ax û hewayê Dêrik, Eyndîwar, Zaxo û Cizîra Botanê bû. Eger şahî be, Cemal kevîr û tehtên qelaçan jî dianîn semayê, eger xem û şîn be yan mewalek be mirov bi girî dida.

Cemal li ser Kurdistanê jî stranên xweş dibêje. Bi taybetî rêbaza Barzanîyê nemir wek riya felat û xilasbûna gelê xwe dibîne û pir pêve tê girêdan û stranan li ser dibêje. Cemal ku yek ji ejnebiyên parêzgeha Heskê û qurbanîyê serjimêriya awarte ya 1962an bû, ji ber hest û stranên xwe yê neteweyî gelek caran hat girtin û îşkencekirin û zulm û tadeyeke mezin ji destê desthilata Beisî ya Sûriyê xwar. Wek çawa aşîqek di sînga maşûqa xwe de radize, Cemal Sadûn niha di bin axa Dêrikê de di xeweke bêdawî de ye, lê deng û stranên wî di dilê Kurdan de hişyar û zindî ne.





## Çend wêneyên rêûresma 10'ê Xakelêwe di binkeyên PDKÎ de





# Agirî

Navnîşana derveyî welat: AFKB.P. 102- 75623 ParisCEDEX 13 –FRANCE

E - Mail: Agiri2003@gmail.com

Hejmar (299)

- ♦ Rojnameya “Agirî” di van malperên jêrên de bixwînin:
- ♦ [www.Kurdistanmedia.com](http://www.Kurdistanmedia.com)
- ♦ [www.Agirimedia.org](http://www.Agirimedia.org)
- ♦ [rojnamaagiri@gmail.com](mailto:rojnamaagiri@gmail.com)
- ♦ [www.facebook.com/Agirikirmanji](https://www.facebook.com/Agirikirmanji)

## Çend wêneyên rêûresma 10'ê Xakelêwe di binkeyên PDKÎ de

